

上馬飛來走一朝
虛空踢破玉江湖
山巔透出西江月
高接天巖道子橋

尋春尋到五湖溪
漸近桃源路不迷
爲問葛天當日事
黃童仍說舊東西

若個能參古與今
拋開名利到山林
而今藉此朝元日
領取當前一點真

非真非假不須猜
剪得餘光入卷來
妙手天成點綴好
數言剛定向天台

印沙成字跡如仙
筆底龍蛇紙背堅
透得玄關成妙用
餘光穿破洛陽箋

道藏輯要

呂帝詩集

巽

室集七
川文八

寂寂無聲聽遠鐘
黃庭未悉抱蒙童
風雲會合三靈處
水火交成一道同

修玄莫把利名牽
福壽榮華命自天
今日鸞橋傳法語
勸君時刻記心田

詠蓮花三首

彷彿桃花洞裏天
爐香衝破夕陽烟
一輪圓影當空度
綠水紅衣別樣妍

簾捲秋風漏未殘
月明人靜倚朱欄
愛他出水涓涓淨
不染汗泥數點痕

橫斜欹側滿銀塘
無語低頭暗自傷
蓮子清心心最苦
世間容

易得甜嘗

自詠八首

我本蓬萊一醉仙提壺曾汲井中泉自從東老西歸去不到東林五百年

雲淨風高雨後天數枝枯樹淡無烟枝藜何處尋仙跡我在蓬萊最上邊

十洲三島是吾家去去來來意自賒欲識洞中真息耗白雲深處問嬌娃

欲向人間記大年何如瀟灑學羣仙純陽亦是勞勞客擺脫方知世外天

道藏輯要

呂帝詩集

巽

室集七
川上八

兩袖清風德自嘉洗心滌慮絕塵華有人問我名和姓紫竹林中一道家

天作高山雲作梯望來何處不停車莫言仙老非凡客在昔原同塵世居

不人詩豪與酒豪樂陶陶處樂陶陶然物外人忘我踏到天台路不遙

蓬壺頂上御長風十二樓頭月正中間我葫蘆容幾許乾坤天地一鴻濛

寓意二首

城南別業據山塢慕道咸來叩大羅寄語柴桑籬畔客綠烟猶